




ՓՐԿԶԻ ՀՐԱՇԱՓԱՌ ԵՎ ՍՈՒՐԲ ԾՆՆԴՅԱՆ ՏՈՆԵՐԻ ԱՌԹԻՒ
ԱՄԵՆԱՅՆ ՀԱՅՈՑ ԾԱՅՐԱԳՈՒՅՆ ՊԱՏՐԻԱՐԺ
ԵՎ ԿԱԹՈՂԻԿՈՍ ՆՈՐԻՆ ՍՈՒՐԲ ՕԾՈՒԹՅՈՒՆ
Տ. Տ ՎԱԶԳԵՆ Ա ՀԱՅՐԱՊԵՏԻ
ԵՎ ՔՈՒՅՐ ԵԿԵՂԵՑԻՆԵՐԻ ՀՈԳԵՎՈՐ ՊԵՏԵՐԻ ՄԻԶԵՎ
ՓՈԽԱՆԱԿՎԱԾ ՈՂԶՈՒՅՆ ՀԵՌԱԳՐԵՐՆ ՈՒ
ԳՐՈՒԹՅՈՒՆՆԵՐԸ

Հոռմեական Կաթողիկ Եկեղեցու Քահանայապետ Նորին Սրբություն
ՊԱՎՂՈՍ Զ ՊԱՊԻՆ (Հոռմ),
Կոստանդնուպոլսի Հունաց Տիեզերական Պատրիարք Նորին Սրբություն
ԱԹԵՆԱԳՈՐԱՍԻՆ (Ստամբուլ),
Մոսկվայի և Համայն Ռուսաստանի Պատրիարք Նորին Սրբություն
ԱԼԵՔՍԻՆ (Մոսկվա),
Ալեքսանդրիայի և Համայն Աֆրիկայի Պատրիարք Նորին Սրբություն
ՔՐԻՍՏԱՓՈՐ Բ-ԻՆ (Ալեքսանդրիա),
Ղաթի Ուղղափառ Եկեղեցու Պատրիարք Նորին Սրբություն
ԱԲՈՒՆԱ ԿՅՈՒՐԵՂ Զ-ԻՆ (Ալեքսանդրիա),
Երուսաղեմի Հունաց Պատրիարք Նորին Սրբություն
ԲԵՆԵԴԻԿՏՈՍԻՆ (Երուսաղեմ),
Անտիոքի և Համայն Արևելքի Պատրիարք Նորին Սրբություն
ԹԵՈԴՈՍԻՈՍ Զ-ԻՆ (Դամասկոս),
Անտիոքի և Համայն Արևելքի Պատրիարք Նորին Սրբություն
ՄԱՔՍԻՄՈՍ Դ-ԻՆ (Դամասկոս),
Սիրիական Օրթոդոքս Եկեղեցու և Համայն Արևելքի Պատրիարք Նորին
Սրբություն ԻԳՆԱՏԻՈՍ ՀԱԿՈԲ Գ-ԻՆ (Դամասկոս),
Համայն Եթովպիայի Պատրիարք Նորին Սրբություն
ԲԱՍԻԼԻՈՍԻՆ (Ադիս-Աբեբա),
Հնդկաստանի և Արևելքի Մալաբար Եկեղեցու Կաթողիկոս Նորին
Սրբություն ԲԱՍԻԼԻՈՍ ՈՒԿԵՆ Ա-ԻՆ (Կերալա),
Համայն Վրաց Պատրիարք-Կաթողիկոս Նորին Սրբություն
ԵԹԵՄ Բ-ԻՆ (Թբիլիսի),
Ռումեն Օրթոդոքս Եկեղեցու Պատրիարք Նորին Սրբություն
ԺՈՒՍՏԻՆԻԱՆԻՆ (Բուխարեստ),

Բուլղար Օրթոդոքս Եկեղեցու Պատրիարք Նորին Սրբություն
Կ Ի Ր Ի Լ Ի Ն (Սոֆիա),
Լիբանանի Մարոնիտ Պատրիարք Նորին Սրբություն
Ի Գ Ն Ա Տ Ի Ո Ս Զ Ի Ա Դ Ի Ն (Բեյրութ),
Քենտրբերիի Արքեպիսկոպոս, Համայն Անգլիայի Եպիսկոպոսապետ և
Միտրոպոլիտ Նորին Սրբություն դոկտ. Մ Ա Յ Ք Լ Ռ Ա Մ Զ Ի Ի Ն
(Լոնդոն),
Աթենքի և Համայն Հելլադայի Միտրոպոլիտ Նորին Սրբություն
Խ Ր Ի Ս Ո Ս Տ Ո Մ Ո Ս Ի Ն (Աթենք),
Սերբիայի և Համայն Հարավսլավիայի Պատրիարք Նորին Սրբություն
Հ Ե Ր Մ Ա Ն Ի Ն (Բելգրադ),
Համայն Ալբանիայի և Տիրանի և Տուրեստի Միտրոպոլիտ Նորին
Սրբություն Դ Ա Մ Ի Ա Ն Ո Ս Ի Ն (Տիրանա),
Վարշավայի և Համայն Լեհաստանի Միտրոպոլիտ Նորին Սրբություն
Ս Տ Ե Ֆ Ա Ն Ի Ն (Վարշավա),
Պրագայի և Համայն Չեխոսլովակիայի Միտրոպոլիտ Նորին Սրբություն
Դ Ո Ր Ո Ֆ Ե Յ Ի Ն (Պրագա),
Հայ Կաթողիկե Եկեղեցու Պատրիարք Նորին Ամենապատվություն
Ի Գ Ն Ա Տ Ի Ո Ս Պ Ե Տ Ր Ո Ս Պ Ա Թ Ա Ն Յ Ա Ն Ի Ն (Բեյրութ),
Կիպրոսի Արքեպիսկոպոս Նորին Սրբություն
Մ Ա Կ Ա Ր Ի Ո Ս Ի Ն (Նիկոզիա),
Նորին Ամենապատվություն Կարդինալ
Ա Ղ Ա Զ Ա Ն Յ Ա Ն Ի Ն (Վատիկան),
Եկեղեցիների համաշխարհային խորհրդի ընդհանուր քարտուղար
Բ Լ Ե Յ Կ Ի Ն (Ժնև),
Արևմտյան Նյու-Յորքի Եպիսկոպոսական Եկեղեցու Առաջնորդ
Լ Ո Ր Ի Ս Տ Ո Ն Լ Ե Վ Ի Ն Գ Ս Տ Ո Ն Ս Ք Ե Յ Ֆ Եպիսկոպոսին
(Նյու-Յորք),
Լատվիական ՍՍՀ Ավետարանական-Լուսերական Եկեղեցու Արքեպիսկոպոս
Նորին Սրբազնություն Գ Ո Ւ Ս Տ Ա Վ Տ Ո Ւ Ր Ս Ի Ն (Ռիգա),
Էստոնական ՍՍՀ Ավետարանական-Լուսերական Եկեղեցու Արքեպիսկոպոս
Նորին Սրբազնություն Յ Ա Ն Կ Ի Յ Վ Ի Տ Ի Ն (Տալլին),
Միջին Արևելքի Հայ Ավետարանական Եկեղեցիների միության նախագահ
Վերապատվելի Հ Ո Վ Հ Ա Ն Ն Ե Ս Ա Հ Ա Ր Ո Ն Յ Ա Ն Ի Ն
(Բեյրութ),
Ֆրանչիսկյան միաբանության Կուստոդ
Հ. Լ Ի Ն Ո Ւ Ս Կ Ո Պ Պ Ի Ե Լ Լ Ի Ի Ն (Երուսաղեմ),
ԱՄՆ-ում Քրիստոսի Եկեղեցիների Ազգային Խորհրդի նախագահ
Գերարծանապատիվ Հայր Ռ Ո Ւ Տ Ե Ն Մ Յ Ո Ւ Լ Լ Ե Ր Ի Ն
(Նյու-Յորք),
Մոնակոյի Եպիսկոպոս Գերազնորհ Շ Ա Ռ Լ Ռ Յ Ո Ւ Պ Ի Ն (Մոնակո),
Մխիթարյան ուխտի Աբբահայր Գերհարգելի Հայր
Հ Մ Ա Յ Ա Կ Վարդապետ Կ Ե Տ Ի Կ Յ Ա Ն Ի Ն (Վենետիկ),
Մխիթարյան ուխտի Աբբահայր Գերապայծառ Հայր
Մ Ե Ս Ր Ո Պ Վարդապետ Հ Ա Պ Ո Զ Յ Ա Ն Ի Ն (Վիեննա):

Ս. Ծննդյան և Աստվածահայտնության լուսապայծառ տոները Մեզ ընծա-
յում են երջանիկ պատեհությունը Ձերո՞ Սրբության ներկայացնելու Հայաս-
տանյայց Առաքելական Եկեղեցու և անձամբ Մեր շնորհավորություններն ու
բարի իղձերը՝ Ձեր սուրբ եկեղեցու հաստատության և Ձեր հավատացյալ հոտի
հոգևոր կյանքի բարգավաճման համար, Աստծու օրհնության ներքո:

Թող Ս. Ծննդյան փրկարար շնորհները ճշմարտապես լուսավորեն բոլոր
մարդկանց և ժողովուրդների մտածումներն ու գործերը, որպեսզի երկրի վրա
լինի առավել լույս, առավել սեր և առավել խաղաղություն:

Քաղցր է Մեզ համար մաղթել Ձերդ Սրբության քաջատղջություն և ամենատարբեր ներշնչումներ՝ շարունակելու համար Ձեր մեծ, հոգևոր առաքելությունը:

Հարգալիք սիրով և ողջուններով ի Քրիստոս Ձեր Եղբայր՝

ՎԱԶԳԵՆ Ա

ԾԱՅՐԱԳՈՒՅՆ ՊԱՏՐԻԱՐԺ ԵՎ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ

Ս. ԷԶՄԻԱԾԻՆ

Մինչ տոնում ենք Աստուծո մարդացյալ Որդու և նրա հայտնությունը աշխարհին, Մենք Մեր խորին երախտագիտությունն ենք հայտնում Ձերդ Ս. Օծության, Ձեր այն աղոթքների և բարի ցանկությունների համար, որը հղել էք մեզ: Մենք նույնպես միացնում ենք մեր աղոթքները Ձեր աղոթքներին, մարդկանց միջև ճշմարիտ խաղաղության համար: Աղոթում ենք նաև մեր Փրկիչ Հիսուս Քրիստոսին օրհնել Ձերդ Սրբությանը և Ձեր ամբողջ հավատացյալ հոտը, հոգևոր բարգավաճման և ուրախության մեջ:

Հղում ենք Ձեզ Մեր եղբայրական զգացումներն և սերը ի Քրիստոս:

ՊԱՊ ՊԱՎԼՈՍ Զ.

ՎԱՏԻԿԱՆ

Եկեղեցու հավատացյալ ժողովրդի հետ, մենք էլ խոնարհաբար գնանք դեպի Բեթղեհեմ, ուր հայտնվեց աստվածային Մարդեղության Խորհուրդը՝ երկրպագելու մեր Փրկչին, որ աշխարհ եկավ մարդկային կերպարանքի ներքո:

Ոսկու, կնդրուկի և զմուտսի փոխարեն մենք նրան այսօր մատուցենք մեր սրտի երկրպագությունը, մեր սերը՝ միմյանց նկատմամբ, և մեր անկեղծ իղձերը՝ միության: Այդ ձևով մենք կզգանք Նրա ներկայությունը մեր մեջ, ներկայություն, որն օգնում է մեզ մեր տկարությունների մեջ և զորացնում մեր մտադրությունները:

Այս բարի ցանկություններով ու ամբողջ սրտով ողջագուրում ենք Ձեր սիրեցյալ Սրբությունը այս մեծ և սուրբ տոնի առիթով և աղոթում, որ մարդացյալ Փրկիչը պարգևի առատորեն իր օրհնություններն ու շնորհները Ձեր Սուրբ Եկեղեցուն, Ձերդ Սրբությանը և Մեզ այնքան սիրելի Ձեր հավատացյալ ժողովրդին:

Մեր Տիրոջ օրհնությամբ լի նոր և խաղաղ տարի Ձեզ և համայն աշխարհին:

ԱԹԵՆԱԳՈՐԱՍ

Տիեզերական Պատրիարք Հունաց

ՍՏԱՄԲՈՒԼ

Հոգեկան խորունկ ուրախությամբ և եղբայրական սիրով ի Քրիստոս ողջունում ենք Ձերդ Սրբությանը՝ մեր Փրկիչ Հիսուս Քրիստոսի ծննդյան մեծ տոնի առիթով:

Աղոթում ենք առ Աստված՝ պարգևելու Ձերդ Սրբությանը առողջություն և բարօրություն, ինչպես և երկնային օրհնություն Ձեր Հովվապետական ջանքերին՝ վասն պայծառության Ձեր Սուրբ Եկեղեցվո:

Թող Տերը խաղաղություն տա համայն մարդոց և երկնային իր օգնությունը բաշխի երկրային մեր բոլոր գործերին:

Թող նոր տարին լինի խաղաղության, ընդհանուր բարօրության տարի:
Զերդ Սրբության ի Քրիստոս նվիրյալ՝

ԱԼԵԿՍԻ

Պատրիարք Մոսկվայի և Համայն Ռուսաստանի

Մ Ո Ս Կ Վ Ա

Զերմ երախտագիտությամբ ստացել ենք Ս. Ծննդյան առթիվ Ձեր բարեմաղթությունները: Աղոթում ենք մարդացյալ Փրկչին՝ աշխարհին շնորհելու խաղաղություն և ժողովուրդներին՝ համերաշխություն:

ԲԵՆԵԴԻԿՏՈՍ

Հույն Օրթոդոքս Պատրիարք Երուսաղեմի

Ե Ր Ո Ւ Ս Ա Ղ Ե Մ

Նոր տարվա և Ս. Ծննդյան փառահեղ տոների առթիվ մեր աղոթքներով միանում ենք Ս. Կույսի և բոլոր սրբերի բարեխոսությանը, որպեսզի Ս. Հոգին մեզ առաջնորդի և զորացնի սիրո, համերաշխության և խաղաղության մեջ:

Ծնորհակալություն՝ Ձերդ Սրբության հղած եղբայրական շնորհավորանքների և մաղթանքների համար: Ի սրտե Մենք ևս մաղթում ենք Ձեզ, Ձեր Սուրբ Եկեղեցուն, նրա բարեպաշտ միաբաններին և Ձեր հավատացյալ ժողովրդին երջանկություն, բարօրություն և խաղաղություն:

ԹԵՈՌՈՍԻՈՍ Զ

Պատրիարք Անտիոքի և Համայն Արևելքի

Դ Ա Մ Ա Ս Կ Ո Ս

Երախտապարտ ենք և զգացված Ս. Ծննդյան տոնի առթիվ Ձեր հղած շնորհավորության համար:

Աշխարհում, երբ բոլոր չար ուժերը աշխատում են խափանելու բարին, «Փառք ի բարձունս Աստուծոյ և յերկիր խաղաղութիւն, և ի մարդիկ հաճութիւն» պատգամը մեզ նոր ուժ և վստահություն է ներշնչում դեպի Տեր Հիսուս Քրիստոսը:

Աղոթում ենք, որ մարդացյալն Աստված շարունակի ոգևորել և պաշտպան կանգնել մեր բոլոր գործերում՝ Իր անվան ու փառքի համար:

ԲԱՍԻԼԻՈՍ

Պատրիարք Եթովպական Եկեղեցու

Ա Դ Ի Ս-Ա Բ Ե Բ Ա

«Ծնվում է Քրիստոսը, փառաբանեցե՛ք Նրան,
Աշխարհ է գալիս Քրիստոսը, գովաբանեցե՛ք Նրան,
Երկի՛ր, գովե՛րգի՛ր Նրան,
Աշխարհի՛ ժողովուրդներ, ցնծությամբ փառավորեցե՛ք Նրան,
Զի՛ Նա փառքով է փառավորյալ»:

Զերդ Սրբություն,

Ութերորդ դարի սկզբում ապրած Ս. Հովհաննես Դամասկացու՝ Ս. Ծննդյան տոնին նվիրված տաղի այս առաջին բառով է, որ երջանիկ եմ գրելու Ձեզ, Դամասկոսից իսկ, Տիրոջ ծննդյան առթիվ Ձեզ հետ միասին ուրախանա-

լու և Նոր տարվա ու Ս. Ծննդյան իմ ամենաշերտ բարեմաղթությունները հայտնելու Ձեզ այդ կապակցությամբ:

Թող «Խաղաղության Իշխանը», որ մեզ համար ուզեց մարդանալ և, բացի մեղքից, մեզ հետ բաժանել մեր մարդկային բնությունը, աշխարհին շնորհի քրիստոնեական խաղաղություն, սիրո և արդարության մեջ, իր շնորհներով թող լիացնի Ձերդ Սրբությունը, և բոլոր նրանց, ովքեր վստահված են Ձեզ: Ձերդ Սրբությանը հույժ նվիրյալ եղբայր՝

ՄԱՔՍԻՄՈՍ Դ

Պատրիարք Անտիոքի և Համայն Արևելքի, Ալեքսանդրիայի և Երուսաղեմի, Կարդիանալ Ս. Եկեղեցու

ԴԱՄԱՍԿՈՍ

Աստված Իր Որդուն ուղարկեց մեզ ոչ թե աշխարհի դատաստանը տեսնելու, այլ փրկելու աշխարհը:

Քրիստոսի ուսմունքը բարձրացնում է մարդուն մինչև աստվածայնության կերպարը, սերմանում սեր և խաղաղություն մարդկանց ու ժողովուրդների միջև, ժխտում ամենայն բռնություն և պատերազմ: Ժամանակակից քաղաքակրթությունը իր ծագումով և զարգացմամբ պարտական է քրիստոնեությանը:

Ողորմյա մեզ, Տեր, ողորմյա, ի մի հավաքիր բոլորիս, լուսավորիր մեր միտքը և աստվածային ուսմունքով, խաղաղություն տուր աշխարհին և օրհնիր մեր ուղին դեպի Բեզ տանող:

Քրիստոս ծնավ և հայտնվեցավ:

Ծնորհավոր Նոր տարի:

Եղբայրական սիրով ի Քրիստոս՝

ԵՓՐԵՄ Բ

Կաթողիկոս-Պատրիարք Համայն Վրաստանի

ԹԲԻԼԻՍԻ

Մոտենում է Ծննդյան ուրախալի տոնը, երբ քրիստոնյա հավատացյալները ամբողջ աշխարհում համախմբվում են գոհություն մատուցելու Աստուծո իրենց Փրկչի՝ Հիսուս Քրիստոսի մարդեղության համար:

«Եւ Բանն մարմին եղեւ եւ բնակեաց ի մեզ,
եւ տեսաք զփառս նորա, զփառս իբրեւ զՄիածնի առ ի Հօրէ,
լի շնորհօք եւ ճշմարտութեամբ»:

(Հովհ. Ա., 14):

Խորին երախտագիտությամբ հիշում ենք մեր Ամենակարող Աստուծուն, որն այնպես հրաշալիորեն ստեղծեց մարդուն իր պատկերով, և ավելի հրաշալիորեն վերականգնեց նրան: Աստուծո հավիտենական Որդին ապրելով մեր մեջ, բաժանեց մեր մարդկային բնությունը, առանց մեղք գործելու: Նա մահավեց մեզ, որպեսզի մենք իր միջոցով հաղորդակից լինենք աստվածային բնությանը:

«Քանզի գիտէք զՇնորհսն Տեառն մերոյ Յիսուսի Քրիստոսի, զի վասն ձեր աղքատացաւ որ մեծատունն էր, զի դուք նորա աղքատութեամբն մեծասէրք»:

(Բ. Կորնթ. Ը, 9):

Այս տոնի առթիվ մենք ողջունում ենք Ձեզ մարդացյալ Քրիստոսի անու-
նով: Վստահեցնում ենք Ձեզ, որ աղոթում ենք ամեն օր բոլոր եկեղեցիների
համար, և առանձնապես աղոթում Ձերդ Նորին Սրբություն, Ձեր միաբանների
բարօրության և Ձեր հավատացյալ ժողովրդի համար:

Եղբայրական սիրով և ողջուններով
Ձեր եղբայր ի Քրիստոս՝

ՄԱՅԶԼ ՌԵՄԶԻ՝

Արքեպիսկոպոս Քենտրբերիի, Եպիսկոպոսապետ և Միտրոպոլիտ
Համայն Անգլիայի

Լ Ո Ն Դ Ո Ն

Երկնային հրեշտակների երգը Բեթղեհեմի հովիվներին «Ձի ծնա՛ւ ձեզ
այսօր Փրկիչ որ է օծեալ Տէր» և ավետիսը «Փառք ի բարձունս Աստուծոյ, յեր-
կիր խաղաղութիւն և ի մարդիկ հաճութիւն» հնչում են այսօր աշխարհի բոլոր
քրիստոնյա եկեղեցիների մէջ և ուրախությամբ լցնում են բոլոր հավատացյալ-
ների հոգիները:

Այս մեծ ուրախությամբ մեր հոգիների մէջ լուսավորվում է մեծ հույսը, թե
Աստված, որ Իր անսահման սերը ցույց տվեց մարդկային աշխարհին, Իր
Միածին Որդին ողորկելով ի փրկություն ազգի մարդկան, պիտի իջեցնի Իր
շնորհները ժողովուրդների ղեկավարների գիտակցության մէջ, որպէսզի լու-
սավորի նրանց և ճանապարհը ցույց տա խաղաղ ու երջանիկ կյանքի՝ աշխար-
հի վրա:

Այս խոհերով ցանկանում ենք Ձերդ Սրբության, որպէսզի Սուրբ Ծննդյան
տոները անցկացնեք կատարյալ առողջությամբ և հոգևոր բարխություններով
Ձեր եկեղեցու հոգևոր հայրերի, քահանաների և հավատացյալների ծոցում:
Մաղթում ենք նաև, որ Նոր տարին եկեղեցիների և համայն մարդկության
համար լինի խաղաղության տարի, եղբայրության և բարօրության տարի:

Մնամք աղոթող Ձերդ Սրբության արևշատության համար, Եղբայրական
սիրով ողջագործումով՝

ԺՈՒՍՏԻՆԻԱՆ

Պատրիարք Ռումինիայի

Բ Ո Ւ Խ Ա Ր Ե Ս Տ

Քրիստոսի հրաշափառ ծննդյան ավետիսով ոգեշնչված, ծունկի եկած
Հիսուսի Մտորի առջև, Մենք ջերմեռանդ կերպով աղոթում ենք Ձերդ աստ-
վածաւեր Սրբության՝ Ձեր Սուրբ կեղեցվո, հոգևոր դասի և քրիստոսաւեր ժո-
ղովրդի համար, և աղերսում, որ Տէրը պարգևի Ձեզ երջանկություն և բարօ-
րություն նոր տարում:

Սիրով ողջագործվում ենք Ձեզ, սրտագին ողջունում Ձեզ Սուրբ Սինդի և
անձամբ Սեր կողմից, մնալով Ձերդ Սրբության եղբայր ի Քրիստոս:

ԿԻՐԻԼ

Պատրիարք Բուլղարիայի

Ս Ո Ֆ Ի Ա

Սեր Տեր Հիսուս Քրիստոսի հրաշափառ ծննդյան և Ամանորի առիթով
կհղենք Ձերդ Սրբության, Հայ եկեղեցու հոգևոր դասին և համայն հավատաց-

յալ ժողովրդին մեր սիրո ողջունները, ջերմ շնորհավորանքները և սրտագին բարենախոսությունները:

Թող սերն ու խաղաղությունը տիրեն մարդկանց և ժողովուրդների միջև և թող հաճություն լինի մարդկային սրտերի մեջ:

Հանձնվելով Ձերո՛ր Սրբության աղոթքներին, մնամ եղբայրական սիրով ի ձր'ստոս՝

ՀԵՐՄԱՆ

Պատրիարք Համայն Սեբեիայի

ԲԵԼԳՐԱԴ

Քրիստոսի սուրբ ծննդյան տոնի ուրախ առիթով կրկնում ենք հիշատակների ավետած խաղաղության և համերաշխության պատգամը՝ սրտագին աղոթելով, որ մարդացյալ Փրկիչը պարզևի Ձեզ քաջատողջություն՝ կատարելու իր սուրբ կամքը և հովվելու Ձեր Հայրապետական խնամքին հանձնված իր հոտը, իր անունով, իր փառքին համար:

«Եւ Բանն մարմին եղե՛, եւ բնակեաց ի մեզ»: Ողջունում ենք ջերմորեն Ձերո՛ր սիրեցյալ Սրբությունը և մնում ի Քրիստոս եղբայր՝

ԽՐԻՍՈՍՏՈՍՈՍ

Արքեպիսկոպոս Աթենքի և Համայն Հունաստանի

ԱԹԵՆՔ

Քրիստոսի ծննդյան այս սրբազան օրերին, ներշնչված Ավետարանի մեկնություններով, մենք դիմում ենք Ձերո՛ր Սրբության տոնական սրտագին շնորհավորանքներով:

Թող Բեթղեհեմի Մանուկը պահի ու պահպանի Ձերո՛ր Սրբությունը, Ձեր հոգևոր դասին ու հավատացյալ հոտին, ինչպես և Ձեր Եկեղեցին, և հաջողությամբ իրականացնի Ձեր բոլոր մտահոգումները:

Թող 1967 թվականը լինի օրհնյալ տարի, խաղաղության ու ստեղծարար աշխատանքի տարի ամբողջ աշխարհում:

Ձեզ եղբայր ի Քրիստոս՝

ՍՏԵՖԱՆ

Վարչապալի և Համայն Լեհաստանի Միտրոպոլիտ

ՎԱՐՇԱՎԱ

Ողջուններ Քրիստոսի Սուրբ Ծննդյան առթիվ: Երախտագիտությամբ և սիրով ողջունում ենք Ծնունդն ու Աստվածհայտնությունը մեր Փրկիչ Հիսուս Քրիստոսի և շնորհակալ ենք Աստծուց, որ իր անսպառ բարությանը ուղարկեց իր Միածնին աշխարհ, որպեսզի նախահոր անեծքից փրկի մեզ: Մեծ սիրով հղում ենք Ձերո՛ր Սրբության-այս տոնական գրությունը, որպեսզի շնորհավորենք սուրբ տոնը և ամբողջ հոգով մաղթենք, որ Բեթղեհեմում մեր փրկության համար ծնված Տերն ու Աստվածը պահի Ձերո՛ր Սրբությանը առողջ և Հայաստանյայց Սուրբ Եկեղեցին, աստվածահաճո գործերի հաջողությամբ պսակված:

Ձերո՛ր Սրբության սիրեցյալ եղբայր ի Քրիստոս՝

ՄԱԿԱՐԻՈՍ

Արքեպիսկոպոս Կիպրոսի

ՆԻԿՈՋԻԱ



Խորին շնորհակալությամբ ընդունեցանք Վեհափառ Տեղությանդ բարեմաղթությունները Ս. Ծննդյան, Նոր Տարվան և Աստվածահայտնության առթիվ:

Սույն ուրախալի առթիվ, մեր արտագին մաղթանքներուն կմիանան մեր աղոթքները առ Ամենաբարին Աստված, խնդրելով որ հաճի շնորհել Վեհափառ Տեղությանդ երկնային պարգևներու առատությունը, բազմաթիվ հոգևոր և ժամանակավոր մխիթարություններ և կատարյալ առողջություն:

Մարդկությունը ամեն ջանք կթափե, որպեսզի աշխարհիս խաղաղությունը չվրդովվի: Առ այդ, սպառազինումը կնկատվի ազդու միջոցներեն մեկը: Եվ այս կերպով անհամար գումարներ, որոնք մարդիկը երջանկացնելու պիտի ծառայեին, կմսխվին պատերազմական միջոցներու համար, որոնք աշխարհը թշվառության կմատնեն և սարսափի տակ կպահեն:

Տայր Աստված որ ժողովուրդներու վարիչները ըմբռնեին, թե Ս. Ծնունդով է որ խաղաղությունը ավետված է աշխարհի, և Աստվածահայտնությամբ է որ երկրի երեսը կրնա տարածվի:

Մենք կմաղթենք և կաղոթենք, որ Ս. Էջմիածնի հոգևոր առաքելությունը ունենա իր փրկարար ազդեցությունը մեր սիրելի Հայրենիքին վրա, ապահովելու համար անոր՝ խաղաղություն, երջանկություն, հառաջադիմություն և հարստ և վերելք:

Այս իղձերով և մաղթանքներով կողջունենք սիրով Էջմիածնա Միաբանությունը և բարի հավատացյալները, հուսալով որ մեզի համար չուշանա կարելիությունը նվիրվելու մեր Հայրենիքին կրոնական, քարոյական և մշակութային վերելքին:

Մնամք եղբայրական սիրով ի Քրիստոս և հարգանք՝

ԻԳՆԱՏԻՈՍ ՊԵՏՐՈՍ ԺԶ ՊԱԹԱՆՅԱՆ

Պատրիարք Կաթողիկե Հայոց

Բ Ե Յ Ր Ո Ւ Թ



Պատրաստվում ենք տոնել անսահման սերը Աստուծո, որ իր խորհրդավոր խոնարհությամբ, սիրեց աշխարհը՝ մեզ իր Որդին ուղարկելու աստիճան, որպեսզի մենք փրկվենք Նրա միջոցով:

Բոլոր դարերից առաջ ծնած Բանն Աստված ուզեց լինել, մեզ համար, Նորածին մի փոքր մանուկ, որպեսզի մեզ հաշտեցնի իր Հոր հետ, և մարդկանց բերի այն ճշմարիտ խաղաղությունը, որը Ինք միայն կարող է տալ:

Այս տոնախմբությունը պատեհություն կտա ինձ, Ձերդ Սրբության մատուցանել իմ լավագույն մաղթանքները և Տիրոջ մոտ իմ աղոթքների հավատարմեքը, որպեսզի Ան մեզ բոլորիս տա հնարավորություն հավատարմորեն ի կատար ածելու իր մեզ վստահած խաղաղության և հաշտության պաշտոնը:

Հաճեցեք ընդունել, Ձերդ Սրբություն, ի Տեր Հիսուս Քրիստոս մեր եղբայրական սիրո և հարգանքի զգացումների արտահայտությունները:

ԿԱՐՈՒԻՆԱԼ ԲԵԱ

Վ Ա Տ Ի Կ Ա Ն



Քրիստոնեական փառավոր և հանդիսավոր տոնի առթիվ հաճեցեք ընդունել մեր եղբայրական մաղթանքները Ձերդ Սրբության երջանկության, երկար կյանքի, արևշատության և Սուրբ Եկեղեցու խաղաղության և բարօրության:

ԿԻՐՈՒԻՆԱԼ ԱՂԱԶԱՆՅԱՆ

Վ Ա Տ Ի Կ Ա Ն



Թող մեր Փրկչի լույսը շողա ամբողջ տարին Ձեր եկեղեցու մեջ այժմ և միշտ:

ԲԼԵՑԿ

Եկեղեցիների Համաշխարհային Խորհրդի
Ընդհանուր քարտուղար

Ժ Ն Ե Վ



Այսօր, երբ տոնում ենք մեր Տիրոջ ա- ծնունդը, որով փրկություն շնորհվեց աշխարհի բոլոր մարդկանց՝ «եւ Բանն մարմին եղև և բնակեաց ի մեզ», սիրով և ուրախությամբ ողջունում ենք Ձերդ Սրբությանը:

Սենք ժառանգորդներն ենք Աստուծո՝ Քրիստոսով և Ս. Հոգու որդեգրությանը: Այս է այն վստահությունը, որ մենք ազատվել ենք մեր հին հոգու կապանքներից և դարձել նոր արարած:

Աստծու Սուրբ Հոգով առաջնորդված, եկեղեցու ներսում մենք ունենք այն անհրաժեշտ ուժը, որը մեզ հեռու է պահում աշխարհի բոլոր դժվարություններից, միացնում մեզ միմյանց՝ երկնային խաղաղության մեջ:

Խնդրում ենք Ձերդ Ս. Օծությանը միացնելու Ձեր աղոթքները մեր աղոթքներից, որպեսզի Մարդացյալ Բանի ծնունդը, որ տոնում ենք, մեզ է՛լ ավելի մոտեցնի միմյանց՝ հասնելու այն միության, որը կամենում է Նա մեզ համար, և որը միայն Նա կարող է շնորհել մեզ:

Բարի մաղթանքներով աղոթում ենք Ձերդ Ս. Օծությանը, Ձեր Մեծ Եկեղեցու և ժողովրդի բարօրության համար:

ԼՈՐԻՍՏՈՆ ԼԵՎԻՆԳՍՏՈՆ ՍՔԵՅՅ

Արևմտյան Նյու-Յորքի եպիսկոպոս

Ն Յ ՈՒՆՅ ՈՐ Զ



Աստծո ողորմությամբ նորից արժանացանք աշխարհի Իշխանի հրաշափառ ծննդյանը: Աղերսող ենք Ամենակալին՝ պարգևելու մեզ կարողություն, Լույս և օրհնություն՝ կատարելու մեր սրբազան առաքելությունը: Ամենեղծորեն հիշելով Ձեզ, հղում են իմ ամենալավ բարեմաղթությունները Քրիստոսի ծննդյան և Նոր տարվա առիթով:

Սիրով ի Քրիստոս՝

ԴՈԿՏ. ՄԻՐՈՍԼԱՎ ՆՈՎԱԿ

Պատրիարք Չեխոսլովակյան Եկեղեցու

Պ Ր Ա. Գ. Ա.



Վեհափառ Տեր,

Տարվան վերջավորության, ինչպես նաև Ս. Ծնունդի տոնակատարությանը առթիվ երևակայությունս կերթա տարի մը դեպի առաջ՝ Մայր Հայրենիք այցելությանն անմոռանալի փորձառության: Ուխտագնացություն մըն էր, Հայրենի հողին վրա ոտք կոխել ու խմել անոր կենարար օդն ու ջուրը, կանգ առնել Իջման Սեղանի առջև ու ներշնչվիլ անկե, թանկարժեք ու եզակի հոգեկան փորձառություն մըն էր: Հոն է հայ քրիստոնեության օրրանն ու անկե կթխ պատմական կենսաաղբյուրը Հայ Եկեղեցիին և հայ հոգևոր շարժումին: Մեր ազգը և մեր եկեղեցիները որչափ պետք ունին վերստին մկրտվելու ու կենսավորվելու Էջմիածնի հոգիեն: Երախտապարտ և շնորհակալ ենք որ Ձեր Վեհափառությունը ինձի առիթը ընծայեց կատարելու այս հիշատակելի ուխ-

տագնացությունը՝ Ձեր գաճակալության տասնամյակի և Մեծ Եղեռնի Հիւնամյակին ձոնված հուշարձանի բացման առթիվ:

Տոնական այս օրերում, կշնորհավորեմ Նոր Տարին և Ս. Ծնունդը, կմաղթեմ արեւատություն և Ս. Հոգվույն առատ օրհնությունը՝ Ձեր, Հայ Եկեղեցվո և հայրենիքի հանդեպ ստանձնած վեճերի և հոգևոր պարտավորությանց մեջ: Թող հրեշտակներու պատգամը՝ երկինքի բարձրության մեջ Աստուծո փառքը, երկրի վրա խաղաղությունը և մարդոց մեջ հաճությունը մեզ լուսավորե ու առաջնորդե Հիսուս Քրիստոսի ծառայության մեջ:

Եղբայրական հարգանք՝

ՎԵՐԱՊԱՏՎԵԼԻ ՀՈՎՀԱՆՆԵՍ Փ. ԱՀԱՐՈՆՅԱՆ
Նախագահ Մերձավոր Արևելքի Հայ Ավետարանական
Եկեղեցիների Միության

ԲԵՅՐՈՒԹ



Ձերդ Սրբություն,

Այս Նոր տարում ես չեմ կարող իմ մտքից հեռացնել տասնութ ամիսներ առաջ դեպի Ս. Էջմիածին կատարած իմ ուղևորության անմոռանալի հիշատակը: Աղոթում եմ Աստծուն, որ օրհնի Ձերդ Սրբությանը, տիրամորը և Ս. Էջմիածնի բոլոր եպիսկոպոսներին ու քահանաներին, ինչպես նաև՝ Հայաստանի համայն քրիստոնյաներին:

Ծուռով Ձերդ Սրբությունը կատանա մի ամսագիր, որի մեջ Նա կգտնի «Սուրբ Էջմիածնի մեծ օրերը» խորագիրը կրող իմ մեկ հոդվածը:

Ե՛րբ, արդյոք, կունենանք Մոնակոյում Ձերդ Սրբությունն ընդունելու հաճույքը: Տեղի Իշխանությունը պատրաստ է Ձեզ: Որքան շուտ, այնքան լավ:

Սպասելով այդ օրհնաբեր օրվան, խնդրում եմ Ձերդ Սրբության օրհնությունը և մնում եմ, ավելի քան երբևէ,

Ձերդ Սրբության խոնարհ և նվիրված ծառան՝

ՇԱՌԱ ՌՅՈՒՊ

Եպիսկոպոս Մոնակոյի

ՄՈՆԱԿՈ



Վեհափառ Տեր,

«Փառք ի բարձունս Աստուծոյ և յերկիր խաղաղութիւն»:

Երկնային գորաց այս ավետաբեր երգով կուգամ շնորհավորելու Վեհափառ Տերությանդ Փրկչին Ս. Ծնունդը և վերահաս Ամանորը:

Սրտաբուխ մաղթանքս է, որ Նորածին Փրկիչը հաճի շնորհել Ձեզի արեւշատություն, շարունակելու դեռ շատ երկար տարիներ Ձեր արդյունավոր գործունեությունը, նվիրված բացառապես Հայ ժողովուրդի հոգևոր և մշակույթի վերելքին, թե վերածնող Հայրենիքի սահմանին և թե ի Սփյուռս ցրված մեր ժողովուրդի գանգվածներու մեջ: Անցյալին ձեռք բերված հաջողությունները, երաշխիք են ապագային մեջ, առավելագույն բեղուն վաստակի մը:

Հարգալից ողջունիվ և կցորդությամբ աղոթից՝

ՄԵՍՐՈՊ ՀԱՊՈԶՅԱՆ

Արքեպ. և Ընդհ. աքքահայր

Մխիթարյան միաբանության

ՎԻԵՆՆԱ



Վեհափառ Տեր,

Հիսուսի հրաշափառ ծննդյան և Հայտնության սուրբ տոներու, ինչպես նաև մերձավոր Ամանորի շնորհաբեր առիթով, կուգամ հանուն բովանդակ Միաբանությանս, Ձերդ Վեհափառության մատուցանել մեր ամենախորին հարգանքներուն հետ, անկեղծ շնորհավորությունները, որոնք մասնավոր ջերմություն կզգենուն բոլորիս խոնարհ ու եռանդագին աղոթքներով:

Թող Նորածին Արքան, Բեթղեհեմի իր պաշտելի մսուրեն մինչև Ս. Էջմիածին տարածե իր բազուկները հզոր, և սիոն իր սուրբ հրեշտակներուն

թևերով, խաղաղությունը ցանկալի, մինչև աշխարհի հեռավոր ծայրերը, որպեսզի Հայտնության անշեջ լույսը, փառքն ըլլա բոլոր ժողովուրդներուն, և մխիթարություն մաս մեր սիրելի Հայ Ազգին, Արարատեն մինչև հեռավոր Ամերիկաները:

Հ. ՀՄԱՅԱԿ ՎԱՐԴԱՊԵՏ ԿԵՏԻԿՅԱՆ

Ընդհ. արքահայր Մխիթարյան միբանության

Վ Ե Ն Ե Տ Ի Կ

ԱՆԴՐԿՈՎԿԱՍԻ ՄՈՒՍՈՒԼՄԱՆՆԵՐԻ ՀՈԳԵՎՈՐ ՎԱՐՉՈՒԹՅԱՆ
ՆԱԽԱԳԱՀ ԾԵՅԽՈՒԼԻՍԼԱՄ ՀԱՔԻՄՋԱԴԻՆ,
ՄՈՒՖՏԻ ՀՈՒՍՄԱԴԻՆՈՎԻՆ

ԲԱՔՈՒ

Հաճեցեք ընդունել իմ անկեղծ շնորհավորանքները և բարի մաղթանքները 1967 թ. Նոր տարվա առթիվ: Թող Տերն Աստված պարգևի Ձեզ քաջառողջություն և երկար տարիների կյանք՝ բեղմնավոր գործունեության համար: Աղոթող եմք Բարձրալին Ձեր հավատացյալ հոտի և ամբողջ աղյուսի ժողովրդի խաղաղության, բարօրության և ծաղկման համար:

Վ Ա Զ Գ Ե Ն Ա

ԾԱՅՐԱԳՈՒԹՅՆ ՊԱՏՐԻԱՐԷ ԵՎ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ

Է Զ Մ Ի Ա Ծ Ի Ն

ԱՄԵՆԱՅՆ ՀԱՅՈՑ ԿԱԹՈՂԻԿՈՍ Վ Ա Զ Գ Ե Ն Ա-ԻՆ

Է Զ Մ Ի Ա Ծ Ի Ն

Ծնորհավորում եմք Ձեզ և բոլոր հավատացյալներին՝ Քրիստոսի ծննդյան և Նոր տարվա տոների առիթով, մաղթում քաջառողջություն և բարօրություն:

Շեյխուլիսլամ՝ ՀԱՔԻՄՋԱԴԻՆ
Մուֆտի՝ ՀՈՒՍՄԱԴԻՆՈՎ

ԲԱՔՈՒ

